

Naaja H. Nathanielsen
Attaviitsoq / Løsgænger

UPA 2016/63
29. april 2016

Nammisornerlorlutik Oqartussat kommunillu Danmarkimi nunanilu allani kiffartuussinernut atatillugu aningaasartuutigisartagaasa Naalackersuisut UKA 2017-mut misissuineramik saqqummiussinissamik suliniuteqaqqullugit inatsisartut aalajangiiffigisassaattut siunnersuut. Misssuinermi aamma innersuussutit qanoq ililluni nunatsinni kifartuussinerit atorluarneqarnerusinnaanerat, taamaalilluni nunatta avataaniit kiffartuussinerit annikillisarnissaat anguneqaqqullugu.

(Inatsisartunut ilaasortaq Anthon Frederiksen, Partii Naleraq)

Siorna upernaakkut Inatsisartut isumaqatigiissut neqerooruteqartarnermut inatsisissatut siunnersuutiga inuiaqatigiinni aningaasaqarnermik pingaartitsisussaak akuersissutigaat¹. Aningaasaqarnermut Akileraartarnermullu Ataatsimiititaliap siunnersuummut isumaliutissiissummini allappoq tassunga atatillugu pingaaruteqartoq, tassunga atatillugu inatsisiliornissami inuiaqatigiinni aningaasaqarnermut tunngasut sapinngisaq tamakkerlugu amerlanerpaat eqqarsaatigineqassasut, tassunga ilanngullugu soorlu assersuutigalugu suliffeqarfiit najukkamiittut immikkut ittumik iluaqutissanik tunineqarnissaat inatsimmi ersarissumik ilanngunneqarnissaa.

Taassuma saniatigut kikkunnut tamanut suliariumannittussarsiuussinermut atatillugu suliffeqarfinnik CSR-imik samminittunik ilinniarnermut atatillugu sungiusartunik, ilinniartuutissaminnik kiisalu inersimasunik ilinniartuuteqarnissaminnut neqeroorutigineqartumut suliniummullu pineqartumut atatillugu atorfinitsitsinissaminnut piuumassuseqartunut inatsit salliutitsissasoq. Ataatsimiititaliap neqerooruteqartarnermut inatsisissatut siunnersuutip ataatsimiinnermi matumani, 2016-imi Upernaakkut Ataatsimiinnermi, saqqummiunneqarnissaa kissaatigaa. Ilisimaneqartutut tamanna pisimannigilaq. Tamatumunnga taarsiullugu Naalackersuisut siunnersuummut tamatumunnga Partii Naleqqamut akissuteqaammi allapput, kalaallit tunisassiaannik pisineq imaangitsoq inuiaqatigiinnut iluaqutaassasoq aammalu EU-mik peqatigiinnissamik isumaqatigiissummut attuumassuserneqarsinnaangitsoq. Naalackersuisut taamatut saqqummiussaataakku marluk isumaqatiginngitsorujussuuakka. Nunap politikikkut aqutsisuisa najukkatsinni inuussutissarsiortut immikkut ittumik ikorfartorneqarnissaannik kissaateqannginnerat tupannaraara. Isumaqaqpungalu, Naalackersuisut pisiniartarnermut kaajallaasitarput EU-mik peqatigiinnissamik isumaqatigiissummut uteqattaaralutik attuumassusiisuarnerat eqqunngitsuusoq. Ungasinngitsukkut Aningaasaqarnermut Akileraartarnermullu

¹ Naalackersuisut pisortat pisiortoreranni inatsisitigut, teknikkkut aammalu niuernerpalaarneq eqqarsaatigalugu neqeroortitsineri atorpeqartartussamik inatsisissatut siunnersuummik saqqummiussinissamut pisussaaffilerneqarnissaannik Inatsisartut aalajangiussassaattut siunnersuut. Inatsisissatut siunnersuutip qulakkiissavaa pisiffigisat assigiimmik pineqarnissaat, neqerooruteqartitsineri pisiffissat toqqarneqarneranni sinaakkutissat ersarissuunissaat aammalu neqerooruteqartoqartillugu maalaaruteqarfiusinnaasumik pilersitsisoqarnissaa. Inatsisissatut siunnersuummi aamma pisiffissat toqqarneqarneranni inuiaqatigiit aningaasaqarnerat tamakkiinerusumik qanoq isiginiarneqartassanersut pillugit maleruagassiortoqarnissaa ilaatinneqassaaq.

Ataatsimiititaliap Bruxellesimut angalaneranut atatillugu qulequttat taakkorpiat EU-mi sinniisut peqatigalugit eqqartorneqarput. Tamatumani peqatigiinnissamut isumaqatigiissummut atatillugu EU-p tungaanit piumasaaqateqartoqarneranik oqarneq ilisarineqarsinnaanngilaq. Paarlattuanik sinniisut oqaloqatigisatta aalajangiiniarnerup ingerlanerani ersarinnerusumik pissuseqarnissaq ujartorpaat – tamannaqqissaarlu neqerooruteqartarnermut inatsisip nassatarisussaassavaa.

Qulequtaq taannaqqissaq maanna assigiinngitsunik taasissuteqarnernut atatillugu arlalippassuariarluni Inatsisartuni oqallisigineqarpoq. Naalackersuisullu Inatsisartut pineqartumut tunngatillugu isumaqatigiinnerat ataqpeqquussavara. Qanoq isilluni neqerooruteqartarnermut inatsit pisiniartarnermi ersarissunik tunngaviliisussa inuiaqatigiinnilu aningaasaqarnikkut aaqqiissutissanik siuarsaassutaasussa taama Namminersorlutik Oqartussani akerlilersorneqartigisinnaava?

Naalackersuisut allannguutissatut siunnersuutaat itigartippara. Aamma isumaqarpunga, siunnersuut Partii Naleqqamit siunnersuutigineqartoq pisariaqanngitsoq. Pisiniartarnermut inatsit inuiaqatigiinni aningaasaqarnermik ajunngitsussamik angusaqarnissamik isiginninniartooq aalajangiunneqareersimasoq, Naalackersuisut naammassisariaqaraluarpaat.

Naalackersuisut inatsimmik suliaqarnerminni sumut killinnersut nassuiaaqqullugit qinnuigineqarput Naalackersuisullu EU pissutigalugu inuiaqatigiinni aningaasaqarnikkut isiginninniartariaqanngitsugut oqaatigeqqittariaqanngikkarluarpaat.